


四庫全書存目叢書編纂委員會編



齊魯書社

四庫全書存目叢書

子部
第一八六冊

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

EB57/05

四庫全書存目叢書·子部一八六

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 47.375 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

子部第一八六冊目次

子部・類書類

續文獻通考二百五十四卷(二)

〔明〕王圻撰
中國科學院圖書館藏明萬曆三十一年曹時聘等刻本

.....一

續文獻通考二百五十四卷

(二)

〔明〕王圻撰

中國科學院圖書館藏明萬曆三十一

年曹時聘等刻本

續文獻通考卷之五十一

皇明進士

選舉考 舉官上

宋

寧宗嘉定初袁燾薦陸持之于朝謂其議論不爲空言緩

急有可倚仗寧宗特詔持之秘書省讀書固辭不獲

十二年詔侍從兩省室諫各舉文武可用之才二三人

時進士潘燾及第廷對剴切漫塘劉宰嘉其志不苟

求與丞相杜範併薦于朝得宰崑山有政聲

江東轉運司副使真德秀奏曰太平興國中嘗詔諸道

轉運司察訪部下官吏凡罷軟不勝任及黷于貨賄者

續文獻通考卷之五十一

一

俾條上其事狀其清白自守幹局不凡者亦許其明揚

臣仰見祖宗盛時選用監司付以事權者蓋欲其公於

刺舉使貪懦者無所容而廉能者有所勸責任之意蓋

不輕也自嘉泰開禧以來公道不行請瀾日盛郡縣之

官有罪狀彰灼爲監司者甫欲案劾已求要路之援以

自脫甚者得以施其反噬之計於是刺之權有不行矣

歲舉之員往往奪於權貴之命孤寒無援者雖盡心職

業不免陸沉之歎膏粱庸駑者苟有所挾則若執券以

取償焉於是舉之權又有所不行矣是以州縣之間賢

否不分民受其病今陛下更新大化公道昭明浸還乾

道淳熙之舊矣獨縉紳間親故請托之弊未能盡革臣

愚欲望聖慈特詔戒諭中外士大夫相與維持公道使將指承命者得以展澄清之志而賢不自有所甄別於治道豈小補哉

司令許應龍奏畧曰夫一郡之吏察於太守一路之吏察於諸司滿一期則有關陞之薦逾三考則有京削之薦歲有常員截然一定固不患其濫也至若政績則聽其剗上初無定數豈固縱其猥濫而無所紀極哉蓋以効績顯著固未易得若拘以歲薦苟未有其人必以庸常之流勉強充數其謹重之意蓋可見矣是以剗牘來上悉從其請或與陞擢或令審察或付中書籍記使賢者知所勸而不賢者亦知自勉進者以為榮而未進者續文獻通考卷之五十一

亦有所慕得人之效大率由此豈非朝廷之美意乎奈何人情貪榮競欲速進不顧職事之修否而惟欲露章之薦引頭鑽肘刺不得不已以公道自任者旌別淑慝固不肯曲徇其請而樂於周旋者見其既無定數求者必與迨其甚也一章所薦或五六人或十數人載於邸報殆無虛日合一歲而論不知其幾非親故之夤緣則勢要之囑托非閹陞之所不及則京削之所未徧譽過其情則以鉛刀而為銛舉非其類則以薰蕕而同器此豈非士大夫之私心乎吁不意求才之美意而為士大夫私心壞之也雖然變而通之夫豈無術一曰定剗薦之數二曰嚴保任之法昔皇祐初詔舉縣令而張易

薦一十六人上謂輔臣曰所舉猥多豈無干請可令裁定此定剗薦之數者也馮拯請諸司四品以上具表舉人若効績著明當特酬賞不如所舉依法加罪此嚴保任之法者也數既一定則不容妄舉以徇泛應之私法既加嚴則誰敢失實以干謬舉之罰如此則公論大明群賢並進蓋有不難致者抑又有當察者昔歐陽修有云善惡之人各以類舉廉謹者舉清幹賊汙者舉貪濁徇私者舉請求苟任其責者或非其人亦安能無妄舉哉太宗皇帝親閱班簿常曰不擇舉主何由得人此清源正本之論真萬世龜鑑也惟陛下與大臣亟圖之

江東轉運副使直德秀薦知信州丁黼等五人其狀畧續文獻通考卷之五十一

曰臣竊見朝奉郎知信州軍州事丁黼性本誠實學有師傳修身立朝物論素所推許今為郡守曾未數月循良豈弟之政已流聞于四方朝散郎通判建康府事曾耆年天資耿介履行端莊出自名家老於州縣精明峻潔意氣不衰承議郎提領建康府戶部贍軍酒庫所主管文字李宋性行粹溫規模祥慎早親師友多所見聞澹然自持不為苟進奉議郎分差建康府諸軍糧料院楊若行方識遠論正氣平靜重自持耻為表暴從政郎建康府學教授楊邁篤於問學副以詞華心術端良守無玷此數人者雖其職守不同然質諸衆論皆所謂君子之材非區區擅一長辦一職者之比用敢仰體清

朝之意各以實聞伏望聖慈特賜甄擢儼一詞謬妄臣
其伏罔上之誅 直德秀又薦洪彥彥趙彥暉二人其
狀畧曰竊見承議郎江南東路轉運司主管文字洪彥
華天資樸茂學問淹該居常務自韜晦不以已長示人
而徐考其所爲則言行相副表裏如一量宰衡之茶陵
適值儉歲究心拊字民無流亡至於應辦和糴招募効
用皆不擾而集諸司嘗以政最剴聞于朝甫及期年以
內艱去邦人父老懷其遺愛久而不忘繼宰信之上饒
以惠利爲政如在茶陵時然其恬退自持安於平進故
知之者少臣謂如彥華者若加進用俾究所蘊必有可
觀從仕郎前江南東路轉運司主管帳司趙彥暉賦性

續文獻通考

卷之五十一

四

四百五十五

敏明持身潔白鄉爲鄂州錄參日其年尚少已爲吳猷
詹體仁所知目以佳士其在漕幕宣力最多賑荒以米
朝夕講究如已休戚臣以廣德兩縣舊傷尤甚九月間
即令彥暉前往與本部守貳圖所以拯救之方而能悉
心盡瘁不憚勞苦凡所區畫多適事宜給散有方人被
實惠臣以循行至郡士民稱之如出一口聞其滿替皆
願借符臣聞如彥暉者若實之頗蒙俾効所長亦必有
以自見臣於二人者察之既熟又皆當代去儻不亟加
論薦是謂蔽賢庸敢冒聞以備采擇伏望聖慈將彥華
彥暉特賜旌權若後不如所舉臣甘坐罪 直德秀又
薦本路知縣政績其狀畧曰竊見江東一道爲

有三而號爲難治者居其大半蓋上供迭使爲數寔繁
月椿版帳率多白撰爲今者朝夕惴恐惟財賦不辦是
憂至於撫循疾苦伸理冤滯往往視爲弗切上下循習
謂之當然有能於煎熬之中少施寬裕之政不專以催
科爲急而以字民爲心其在臣等所當激勸今采諸物
論得十人焉宣教郎知徽州歙縣馮特卿器資清峻學
識通明到官以來孜孜所職至誠篤實一意在民催科
有方不擾而集縣民程暉之子爲盜所殺踪跡曖昧臣
曾委之追捕乃能多設方畧晷日夜究心曾未數月罪人
斯得姦吏瞞伏冤結獲伸考其風績可謂本道之最奉
議郎知饒州鄱陽縣趙汝俞天族之英雋志爲善清修

續文獻通考

卷之五十一

五

四百五十六

雅澹有儒素之風當官而行不爲阿徇廉靜無擾田里
安之宣教郎知信州弋陽縣柴景望學校舊人雅有士
譽強毅自立卓犖不群弋陽舊歲凋敝日甚自其到任
極意爬梳結立義役以革紛爭賣美之弊優卹戶長以
除科較代輸之苦裁決獄訟一出至公人情翕然稱爲
賢令宣教郎知信州玉山縣程榆天資靖重心術端良
蒞官之初適郡守趙不撫務爲苛暴官吏重足而立同
時諸邑鮮不逢迎榆於其間獨能弗改常度慈祥豈弟
藹然有循吏之風去夏邑境洪水驟至榆方在告力疾
而出巡行拊勞不俟申請捐公錢以予民賴以全活者
甚衆宣教郎知池州青陽縣許溪學問淹該材力強濟

池之諸邑累因宣限困於預借溪結至官適逢歲朝
夕勤瘁如理家然既償舊逋又免新借邑之瘡痍於是
一洗亦賴以少得蓋有功於此邑者宣教郎知太平州
當塗縣王治故侍講師愈之子天資粹雅操行潔修其
爲邑也心乎愛人用刑督賦常有不得已之意士民稱
誦翕然一辭承事郎知寧國府宣城縣尤燭名家之子
生長見聞宣城夙號煩劇燭材力精敏治辦有方務以
恩信及民不爲苛猛歲適旱饑推行荒政曲盡其至殄
除蝗孽宣力尤多臣等每因百姓至庭試加訪問皆稱
其賢已決之訟番訴絕少承議郎知建康府溧水縣俞
遷老成詳練通知物情其治邑以省事不擾爲本人甚

安之奉議郎知池州貴池縣蔡汝揆廉謹自將精勤不
懈奉行荒政能盡其心奉議郎知池州銅陵縣魏執中
持身恪謹爲政寬和始終如一有可稱者右臣等所部
縣令之可稱者雖非止此十人而得諸見聞間有未審
者不敢遽加論薦自特卿而下人品高下亦各不同大
槩主於字民則均在可取之域故臣等輒効舉爾所知
之誼伏望朝廷特賜甄錄若後不如所舉臣等并坐謬
舉之罪

衛涇奏舉王觀之等十二人其狀畧曰臣承乏江西閩
寄首尾已是三年今蒙恩易鎮行且去此一時官吏之
政績敢以爲簡切見承議郎江南西路轉運司主簿

宜文字王觀之家學淵深天資夷粹往年編入宣幕守
荆諭蜀者率賴其助試邑江之德化善政尤多今爲江
西運管處事極有條理然未嘗務能以求名持論主於
正大而尤知潔已以律下識者皆以爲遠器朝請郎撫
州通判趙時通公族之英自致名第敷歷州縣俱以才
稱貳政天府遇事不苟垂清而罷或者惜之通守撫州
就攝郡事邦人既服其明允又稱其廉平驗之行事允
有實政承議郎江南西路安撫司主管機宜文字洪傑
風度端凝吏能整密生於相閥克守儒風自爲漢陽簽
幕諸司已交薦其材及至試邑黃陂治辦之外又有學
道愛人之政今爲本司機幕每事明審無不合宜雍容
撥煩廉介可敬陸沉幕屬未盡其長朝奉郎筠州通判
孫格七閩之秀早拾儒科明習條章老成端介昨來宰
泉之同安殊有能聲今茲通判筠陽凡所關决未始留
滯宣教郎知建章軍新城縣何遲策名太學擢第乙科
初爲隆興節推當路交薦其才且繼任成都撫幹諸司
亦表其廉能試邑新城盡起宿弊催科不勞而辦田里
無不安之通直郎知撫州崇仁縣彭耕名父之子克世
其美其才足以強濟其心主於寬平崇仁當累政玩弛
之餘耕到官數月治聲藹然獄訟既清財賦亦裕推其
餘力猶能廣學校築堤岸以惠邑人通直郎知臨江軍
新淦縣趙公括學古入官修飭廉謹早年甘守遠次

師先達以爲文及壯試吏所至去思新淦縣邑素多蒙
猾公括廉介守法不畏強禦苗穉而髮櫛之吏不能欺
邑以大治奏議卽知隆興府新建縣桂如篋儒行吏能
俱有足取安於平進庶不近名服勤邑事行且受代臣
察其聽斷之間並無過舉通直卽知筠州高安縣潘薰
生長名家習熟文獻持心近厚律已以廉其在高安安
靜不擾而邑事整整有理閭里安之文林卽贛州瑞金
縣丞陳景仁奮身上庠遂策名第再轉而爲永劇邑每
事健決不避權豪海樞邑寄無不辦治州郡才之從政
卽隆興府武寧縣丞連元操守端溫學術該洽贊毗邑
政潔已奉公靖共自將不事奔競迪功卽臨江軍軍學

續文獻通考

卷之五十一

八

說

教授徐价經學修明文詞瞻麗能詳庠序之教務崇義
理之文教導有方士類多之已上十二人臣始得之衆
言未敢深信及驗之行事委有實績多是經監司守臣
論薦非特臣一已私言欲望朝廷特賜審察擢用他時
必能効尺寸於事功誠非小補 衛涇又奏舉滕璘等
七人其狀畧曰臣荷蒙聖恩分閩江右一道十二州之
官吏雖不能徧觀盡識然其間學以從政居官可紀者
采諸公論密加考察今得七人知而不舉臣則有罪切
見朝奉卽隆興府通判滕璘天資靖重學術淹該早爲
省殿試前名不肯輟于捷徑盤旋州縣逾三十年晚進
班行未究所蘊今通守本府蒞職公勤協贊爲多從事

卽江西路轉運司幹辦公事趙師秀操尚清修詞章典
麗一第二十七年未脫選曹師秀怡然不以介意自參
漕幕處事正平持身潔廉贊畫平允承議卽知隆興府
奉新縣潘景伯器度高雅政術疏通三仕於隆興邦人
稱之無間言試邑奉新留心撫字剖決滯訟平易近民
奉新之人無不賢之宣教卽知隆興府武寧縣趙善泰
資性宏達才諳端良既由門蔭以登甲第又中法科以
試廷評出宰武寧會未數月催科不擾而辦獄訟不察
而明武寧之人無不德之迪功卽贛州州學教授蔣昌
宜稟資重厚行已端良自收科名益進學問分教章貢
士譽日隆其誨人以行義爲先不專以文學爲上迪功

續文獻通考

卷之五十一

九

四

卽建昌軍軍學教授黃宜履行粹夷文學醇茂奮從合
選復取甲科初仕盱江歲月未久然其教人必以規矩
士類服之迪功卽遠州分宜縣尉鄭魏挺學問老成典
刑詳練登名前列自當注操教授魏挺乃能不卑小官
屈就尉職出入阡陌戢盜安民庶謹強濟邑人稱之以
上七人不惟文學之可采亦有政績之足觀科名皆在
人前職事猶在人後欲望朝廷他時特賜旌擢以爲一
道官吏之勸 衛涇又奏舉徐範等九人其狀畧曰通
者從臣素請欲復所知之舉嚴臧否之法臣伏觀從政
卽南安軍大庾縣令徐範名臣之子家有史才試邑大
庾究心撫字居多可紀之績宣教卽知筠州新昌縣事

沈鐘名臣之孫修謹好學海吏民社胥心聽斷殊有燕平之稱修職郎南安軍南安縣令楊洽學問淵深文詞湛瞻為金南安平易近民迪功郎筠州軍事推官俞機生長名家優有才且養慕筠陽事不辭難迪功郎筠州司法參軍詹鼎學問醇正父子世科政術通明守以廉介人稱其賢官教郎知撫州樂安縣董仁渥早擅儒科兼通世務樂安最為荒陋仁渥與什植倡民懷其政宣教郎知江州德化縣事林杲充守家法極有吏能究心撫摩令修於庭戶之間民皆便之宣教郎知隆興府分寧縣事陳元衡奮身名第有志事功律已奉公撫民戢吏百姓安之迪功郎監江南西路轉運司造船塲溫良

州湖口縣尉陳華風有師承蚤收科級務為實學不事空言志尚既高識趣亦遠儻及其華而用之必能以事業表見今仕湖口適丁歲饑棟荒有術邑人德之已上三人去替各已不遠輿論既無間言諸司亦嘗交薦驗之行事誠可旌擢欲望朝廷特賜甄錄以風勵一道之官吏使居官廉平行已忠實者有所激勸誠非小補衛涇又奏舉章瑒甄世光二人其狀畧曰臣竊惟用人之道猶之用器擇人之術比之擇材器不可不及鋒而用材不阿及時而擇及鋒則多利器及時則多良材臣前後薦士已成屢實今於所部又得二人其材與器皆堪煩使涵養更久必可大觀然知其可使辦事又當及其英銳早加收拾竊見承務郎監潭州廣積倉兼銜倉章瑒材力強濟識度精明博通舊聞練達世務本州倉官前者並緣久例不免侵漁瑒能持身潔廉遂絕此弊即有亡金之獄累月不得主名臣委之考鞠數日卒得其實使之剖析疑滯當無銜難迪功郎潭州醴陵縣尉甄世光奮身儒科曉暢民事出入阡陌未始辭勞而又

以實聞悉蒙朝廷施行不勝遠民之幸至於良二千石治行表表衆所共睹者若知刺而不知舉何以勸功切見朝請郎權知全州軍州事徐筠學古好修謹身率下不事表暴力行撫摩刑役清平田里安帖餘事者書有補後學又能崇教化以厚風俗築城壁以固藩籬其他善政不一而足朝請大夫權發遣道州軍州事朱著持身潔廉蓄學醇正居家孝友賦政中和到郡之期雖未爲久而豈弟之實信服於民財賦獄訟色色整辦加之志趣端清不爲苟合人品既高政術亦茂朝散大夫權發遣邵州軍州事留筠存心簡靖臨事寬明雖出相門實通吏道到官以來能於整辦之中不失拊循之實已

中不廢撫字之政終日孜孜主於愛人考之行事尤有賢業通直郎知潭州湘鄉縣趙伯駿怡靜有守廉介無華剖決得宜不事苛察湘鄉邑大事叢伯駿從容視之若有餘地參之輿論委有能稱宣教郎知道州營道縣蔡師仲性資融明器度開爽達於政術每事練詳而又持身廉勤御下有方若試之事任實爲通才從事郎知衡州來陽縣趙彥飭奮由屬籍自致儒科達於吏能不廢學業往時帥臣朱熹亦嘗舉之今爲來陽居多惠政已上六人臣等互加參稽頗爲詳審欲望朝廷特賜旌擢以爲作邑者之勸他日設不如所舉則謬罔之罪臣等所不敢逃 衛涇又奏舉李鼎等四人其狀曰國家分道置帥許以察吏臣子以身報國未若薦賢臣承恩守藩罔功閱歲得於考察宜有薦揚切見宣教郎知潭州益陽縣李鼎資性和平學業醇茂初任宜春簿領繼爲臨賀教官皆以修潔受知當路循次改秩試邑益陽適承凋弊之餘力行撫摩之政能修學校以勸士寬期會以安民獄訟不察而明催科不擾而辦平易近民於鼎幾之從政郎邵州州學教授陳觀賦資靖共持身端介平昔安分未始干進舊從朱熹講學尤以名義氣節爲重分教邵陽極力作成不專事於文辭能誨人以廉耻恬退有守於觀似之從事郎郴州桂東縣令黃龜鼎才語疏通器能肅給三仕於桂陽民實懷其惠今爲桂

東縣令乃音峒寇之所巢龜鼎雖移懷柔亦不姑息革
暴而良漸有端倪還定安集龜鼎大有力焉從政郎道
州江華縣令莫价志氣好修文采亦富見於議論每事
正平華之在春陵號爲難治价力行撫字之政不忍鄙
夷其民學道愛人价有志焉已上四人在臣部內具有
實迹可采欲望聖慈特賜褒擢以勵其餘庶見九重不
忘遠之意 衛涇又奏舉米端常五人其狀曰臣蒙恩
任使一路雖職不專於刺舉至官吏能否亦嘗考察以
備器使今所部守吏有能名者米之公言纔得四五知
而不舉是謂蔽賢伏見朝請郎知南劍州米端常才學
俱優儒雅飭吏蠶宰長州縣事整辦諸司列薦其能朝

續文獻通考

卷之五十一

十四

廷常加擢用今守延平尤有治效樽節郡用置惠民倉
庫糴米儲積以助常平閱習禁軍月有按試等第支賞
以厲士卒考其施設實有可觀朝奉郎通判泉州何松
性資明達政術亦優一試劇邑以辦治稱兩爲郡丞以
循良著溫陵浩壤民夷錯雜屯戍軍兵供億以時彌縫
關決賴以協濟承議郎通判邵武軍趙善孫宗室近屬
能自奮勵強用敢決所至有聲通守齊安牙稅增羨十
餘萬緡盡數起解無所欺隱殆爲諸郡之最今倅邵武
合發上供亦不擾而辦宣教郎通判建寧府張國均性
質篤誠遇事不苟奉議郎通判汀州樓鏐才華茂美所
至有聲富沙大府民物繁夥臨汀偏州俗習犷悍皆協

贊其守政化大行此五人者考察已久並著能名委有
政績欲望朝廷特加表用以爲官吏之勸 衛涇又奏
舉陳嗣宗等十五人其狀曰臣誤蒙聖恩付以一路玩
歲愒日無補毫分惟有薦賢是爲報效近則親所目擊
遠或採之公言既得其人不敢隱默伏見儒林郎福建
路提刑司檢法官陳嗣宗天資靜重學問深醇斷獄議
刑持平守正處置明允人無異辭文林郎前汀州州學
教授孔夢符文學著稱議論英發曾爲從臣列薦中書
籍記選用從事郎西外宗學教授林士選風猷醞藉經
學淵源訓導有方麟趾化洽宜教郎前知福州寧德縣
王克恭學問正醇器識宏遠究心撫字遺愛在民繼之

續文獻通考

卷之五十一

十五

者宜教郎郭伯良器質純厚才識茂明平易近民催科
不擾奉議郎前知泉州同安縣章太蒙學術醇正操履
端方政尚中和民惜其去久漳州縣未盡其才承務郎
知福州長溪縣江潤祖聽訟有方催科不擾濬河以便
民耕修學以養士類具有實政非敢溢美承務郎知福
州懷安縣趙師玘以宗室子能自飭修廢創劇綽有
餘乃宣教郎知建寧府建陽縣黃千里舍選優等擢第
乙科文學議論可備館閣承奉郎知建寧府崇安縣趙
必愿克紹家學奪取儒科抱負不凡實爲遠器從政郎
建寧府左司理參軍吳端忠稟資仁恕遇事詳明盡心
平反獄無冤濫承務郎知福州長溪縣丞黃以大操尚

剛潔政事通明剖決民訟無不平允修職即泉州安溪縣主簿王仲龍名臣之後學有本源簿領卑官未究其用地功即福州侯官縣主簿黃倫詞學優贍論議有餘功即福州閩縣主簿鄧樞履行端潔通曉事情皆限於特科無以自見此十五人或懷才抱藝或立事建功片善寸長悉有可錄量能授任不厭其多伏乞特加旌擢 銜涇又奏舉蔡汝揆等六人其狀曰臣誤蒙聖恩再昇江右閭寄已五閱月日夕搜訪吏之有實政者已得六人焉竊見朝散郎通判筠州軍事蔡汝揆受才庸碩遇事精明昔宰貴池諸司嘗合薦其政今爲高安通守公心開決郡無留事吏民一辭稱之朝奉大夫前通

續文獻通考

卷之五十一

十六

四百五十五

判隆興軍府事史復祖優有吏材動守法律三爲郡佐所至有聲隆興滿歸人惜其去考其行事具有條理宜教即知隆州府豐城縣事汪綬奮自名門留心官業才雖強毅政甚和平本府日放詞狀豐城邑大而訟獨少田里相安俱無間言承事郎知建昌軍南城縣事黃以大家世良吏復親名儒律已廉平示民安靜昔丞長溪臣嘗舉其政績今南城邑政殆過長溪遠甚行且書滿民愛其去宣教郎知撫州樂安縣事孫起予儒學吏能皆足稱述一第三十六年人歎其滯樂安獲俗而起予反著學道愛人之美承事郎知袁州宜春縣事黃應酉有文有政精力英發初登名第鄉黨稱之宜春劇邑而

續文獻通考

卷之五十一

十七

四百五十六

應酉兼有催科撫字之譽是六人者臣不惟觀諸文移之申明而又考諸案牘之剖決不惟采諸士大夫之公論而又訪諸詞訟之細民委得其實故敢冒言欲望朝廷特賜旌擢 銜涇又奏舉胥丙楊恕等八人其狀曰臣竊見朝請大夫知撫州軍州事胥丙稟資重厚賦政和平雖生相門深諳民事丙到官五月不趣迫而事以辦鎮靜不撓田里安之年事以迫若速加擢用猶足以得其數年之力朝散郎權知臨江軍事楊恕器識沉靜學術醇明備更繁難曉暢吏事到郡踰年臨政不事察察力行撫摩崇尚教化財計昔迫而今寬訟牘先煩而後簡軍民相安人稱其賢朝奉郎添金通判隆興軍府事葉澄文行粹夷資性誠慤不以館閣清流而不屑更事不以耆儒宿齒而簡畧訟牘每事詳審精力強明有德有才人愛而敬之朝奉郎通判隆興軍府事俞遷充守家學卓有能聲昔宰溧水其政已爲諸邑之最今倅是邦一力裨贊郡事多賴之搜剔蠹弊而吏不敢肆灼知情僞而民不敢欺施於內外繁劇之任必有可紀通直郎通判南安軍張清臣生自名門習於吏事駁歷州縣安於平進南安斗壘自岷峒擾變以來民產失耕冒佃而經總制欠額類多幾於束手清臣於關決平允之餘能調理財賦以無乏供人所甚難者承議郎通判隆興府事許援胃出世家持身清謹存心職業不事表暴

到官方及數月其見於閭閻者已多可觀吏民信之累無間言從事即充江南西路安撫司幹辦公事徐清史學素醇茂奮身甲科分教當塗隣境士類從之如歸今茲建畫卒皆可行之實守正不阿足爲遠器從事即江南西路轉運司幹辦公事方大琮志氣好修文采亦瞻早爲南宮亞選士論稱之主畫漕幕剖決詳明考其行事允有賢業已上八人在本路守貳幹官之內考察頗審誠未多得其間率皆監司累次論薦欲望聖慈特賜甄擢 衛涇又奏舉范應鈴等八人其狀曰臣邇者不揆疎外以一道官吏之政有實績者冒昧敷奏而縣政之卓然可稱者猶未殫舉也宣教郎知撫州崇仁縣事

續文獻通考

卷之五十一

十八

職官

范應鈴持身清介遇事精明初任尉於吉之永新屢與郡太守爭辦是非而守嘗屈崇仁當積弊難治之後應鈴嚴於吏而寬於民苦節浮泛之費蠲罷亡藝之取私謂不行豪猾屏迹不畏強禦實可大用奏議即知隆興府南昌縣事趙師陶稟資粹溫持心平正六年嶺外休舉詭然得邑南昌仍在舊所遊學人情至稔之地師陶善待故舊屏絕請托凡民爭訟親自體訪必欲盡得其情而獲罪者皆伏而不怨平易近民允有賢業承議郎知袁州萍鄉縣事趙彥章文學優長議論公正一第三十五年安恬自若前任本路提刑司幹官以所得京劄遜與別司毋老之人今爲萍鄉無非愛人學道之政

紳樂道之宣教郎知筠州高安縣事余珪祿度溫雅政術詳明生於相家宛若寒素初入浙西倉幕已有令譽今於高安凋瘵之邑不事敲朴月解自辦撫摩小民而獄訟平息上下皆安之奉議郎知隆興府新建縣事邵應祥爲學醇正處事寬明分教于衢于徽皆移士論改秩作邑歸以儒雅能於催科之中不廢撫字之政參之公議委有能稱宣教郎知撫州臨川縣事趙崇尹賦姿開爽遇事直前犯險潢池以脫陷穽臨川頗號煩劇崇尹到官未久聲譽甚休能於整辦之中不失和平之政考之行事可謂通才承事郎知建昌軍廣昌縣事滕仲宦生長名族服習典刑平進宦途多所敷歷廣昌僻在

續文獻通考

卷之五十一

十九

職官

山谷風俗頑犢仲宦一以無事理之獄訟簡寡政譽翕然從事郎知吉州永新縣事潘復擢自儒科精曉吏事前者分教蘄春大得士譽今永新鄰接峽峒加以豪戶盤結復調治得宜強者伏而弱者愛之刑役清簡綱紀肅然此八人者皆作邑有善狀字民有實政爲一道所稱欲望朝廷特賜甄錄 衛涇又奏舉吳軫等九人其狀畧曰邇者頒示監司帥臣繼自今凡舉部內人才與夫所知臧否科目之薦務在公心採訪取其才行卓絕績用彰著者指實聞上臣竊見迪功郎撫州州學教授吳軫文學俱優恬退有守始到官舍訪問郡之宿儒率學之諸生親登其門請爲學正提點刑獄孫德輿聞之

謂此風不行久矣不待有求即騰升陟之薦考其教育
動有成法從政即隆興府學教授梁致恭學術醇正質
直無華奮自膠庠以取科第留意教養每考察士子於
文詞之外孤寒無媒諸臺自舉於其垂青人情其去從
事即筠州軍事推官李伯賢生長名家自有植立持身
勤恪遇事詳明鈞之郡政多其區畫并有條理士論才
之修職即隆興府武寧縣丞趙公珊奮身屬籍卓有吏
能律已公平持身寬厚武寧嚴邑公珊一以和平佐其
長財賦辦治人情安之迪功郎江州德安縣主簿周良
學有源流行無瑕玷德安凋弊不可爲邑宰爲之引去
良被檄越丞職以攝邑事整治半年不輟朴而財計蘇

續文獻通考

卷之五十一

二十

晉

民稱其賢從事郎建昌軍南豐縣主簿趙希楚服習家
訓通曉吏道臨事不苟諸臺多所委任本司凡有差檄
究心了辦不表暴而聲譽著人誦其能迪功郎隆興府
奉新縣主簿黃之望才具優長器能肅給彙歲志學有
聲場屋奮身名第留意職業委以事任皆得其當迪功
郎建昌軍南豐縣尉黃師稷天資端謹才諳通明於職
事所當爲者莫不修舉而猶裨贊其長以分任邑事求
之下寮未易多得修職郎興國軍永興縣尉趙崇畏才
識優長政事勤恪奮身科第抗志高騫出入阡陌戕盜
字民境內肅清邑人德之軫等九人實臣所知欲望聖
慈特賜褒擢 衛涇又奏舉趙汝誠等其狀曰臣近奉

撫州教授吳軫等充所知而一路官吏猶有四人焉與
其取蔽賢之罪寧受再瀆之譴敢盡爲公朝言之臣竊
見奉議郎通判建昌軍兼管内勸農事趙汝誠器資峻
拔政術詳明爲丞爲宰當路交薦今倅旣江關決平允
財計辦治人稱其能通直郎知隆興府奉新縣主管勸
農公事趙希普賦性開爽遇事簡明敷歷寔多政譽具
徽催科撫字皆究其心一邑相安人器其業承奉郎知
隆興府武寧縣主勸農公事兼兵馬監押趙師嚴智不
執方才無滯用雖生屬籍實事儒素租賦趣辦縣務簡
寡田里騷然民安其政迪功郎贛州司法參軍鄭斯立
經學通明操行端潔手不釋卷月評所推自是館閣之

續文獻通考

卷之五十一

二十一

晉

器淹汨州縣士論惜之以上四人今舉充臣所知後不
如所言其坐謬舉之罰 衛涇又應詔舉李燾等三人
其狀畧曰臣伏見文林郎添差江南西路轉運司幹辦
公事李燾經術精博越操剛方早從師友多士推服分
教襄陽爲帥臣鄭挺挾私奏劾自是杜門刻志學問不
屑意祿仕堂審掌故列屬寺廷皆辭不就尚淹選調未
厭師虞宜加崇獎以勵廉退奉議郎前荆湖南路安撫
司主管機宜文字陳元勲文采高華更能強濟素安平
進有志事功方峒寇搶攘宣勞慎府刺裁區置曲盡事
宜帥臣曹彥約嘗以功狀聞于朝廷今已書滿以其才
力使任劇煩優有餘裕承直郎奎元江淮荆浙福建廣

續文獻通考

卷之五十一

二十一

四

南路坑冶鑄錢司幹辦公事鄭準性資邁爽學術淹該策名儒科通練世故陸沉州縣未究所蘊若蒙選擇必有以自見於時臣誤蒙聖恩俾分閫寄自揆踪拙無以補報祇承明詔許之薦舉敢以所知三人者冒昧以聞如燭之學行實堪臺閣之選若元勳若準俱可以備中外之職任將來或不如舉臣甘坐謬舉之罰 衛涇又奉詔舉趙崇度等三人其狀曰臣等伏見宣教郎知桂陽軍趙崇度家法嚴正吏事詳明推其惻怛忠誠之心施於拊摩受利之政桂陽爲郡地險而僻民隄以歸崇度臨之以至廉行之以不擾人有感服舉無異詞即其操履允自遠器文林郎知郴州宜章縣趙彥北沉淪詩書被服儒素其父公說在孝宗朝爲督監司遺愛去思今滿蜀道彥北克濟前戾不墜家聲今宰山邑政有條理申嚴舊制結集土丁邑境有備故峒寇之擾止在旁邑而獨不犯其境百姓以此感之從事即邵州新化縣今徐簡出自儒家邃於講學文墨議論能世其傳故施於邑政詢有循良兄弟之風險俗頑民安其政教善怙惡懼百里知懷是二人者分處郡邑皆能爲陛下牧養小民培植國本况崇度乃故忠定公汝愚之子陛下念其父之忠勲諸子多蒙錄用豈待臣等以爲軒輊特以職守所在不敢蔽賢如彥北如簡則沉淪無援若不論薦何由自達伏望聖慈特賜擢用則三人必能有所益

續文獻通考

卷之五十一

二十一

四

立仰益明時後不如所舉甘坐謬舉之罰 衛涇又奏舉黃學行等三人其狀曰臣通班秘殿分闕遐藩圖報國恩所當薦士知賢不舉臣竊耻之臣竊見從事郎前全州州學教授黃學行識度高華學業醇茂優優會選復占儒科分教清湘留意樂育鄰境士類從之如歸餘日著書進而未已守臣曾松徐筠當薦其政績文學近者提刑樂章提舉林行知亦薦其文行俱高臣參酌公言允有實績從政郎永州零陵縣令劉用行器資沉靜趨向端方決科効官尤精吏事初任真州揚子縣尉充舉其職備著公勤制帥黃度守臣潘友聞皆嘗露章薦其才美今爲零陵令勞心撫字已著善聲稽之輿論允謂通才迪功郎潭州寧鄉縣主簿李劉學問深粹器識醇明更化之初於貢闈對策論事剴切知舉榷鑰等得其文以爲洋洋羣重公孫之對可爲清朝得人之賀既而從臣曾松何異黃疇若又以其學問淵源文詞秀發可備古作薦之於朝今爲寧鄉部領臣每試之以事見其剖決詳明議論平正表裏無瑕足爲遠器已上三人資歷雖淺文學俱優在臣部內考察頗審况前後各有論薦欲望聖慈特賜甄擢以爲館閣之儲設他日不如所舉臣敢辭謬舉之罰 衛涇又奉詔舉張聲道等三人其狀曰竊見朝請改權發遣永州軍州事張聲道早擢儒科嘗丞冊府文采學問士論所推自去班行游更

摩節今爲永州留心郡政剖決民訟發擿吏姦節浮
泛之費罷去非義之取如零陵舊有竹稅久已無竹而
稅額尚存聲道到任採訪即爲蠲放客旅舊苦重征多
不入城市井蕭條聲道寬其稅額商旅遂通又能損依
助學動身率下豈弟之政田里安之識者謂其才堪臺
閣不當淹抑遠外朝請即通判潭州軍州事張履信賦
資清謹臨事強濟昨昨嚴邑已著能聲帥守監司屢嘗
論薦通判本州過蒲三考凡事任責未始辭難起發經
總制錢數目浩瀚稱提新會協贊爲多其他關決舉無
淹滯持身廉潔始終如一試以內外劇繁之任必有可
觀朝奉郎前通判衡州軍州事廖視器質端方克守家
績又獻通考卷之五十一

二十四

四朝

法嘗任理椽以直去官兩爲劇縣治狀稱最衡陽貳郡
備著賢勞承攝承道二州首尾年餘剔除姦弊愛惜財
賦一毫不以妄用代者賴之近雖蒙朝廷差知房陵然
其才術操行宜在激濁揚清之選已上三人在本路守
貳之內不易多得欲望聖慈特賜甄擢他日必能各以
所長見於世用 衛涇又應詔舉游九言等三人其狀
畧曰臣伏視通直郎主管建昌軍仙都觀游九言資才
剛實不專意於文藝淳樸聞知靜江府張拭嘗薦薦章
於孝廟朝稱其臨事有斷審意軍伍間事今已三十年
更嘗既多其才益老近任江東撫諭替盡師閫區處軍
務軍民至今思之但其人邇於自許幾有亢許之累如

朝廷棄瑕錄用置之幕府或適鎮任使必能盡瘁報國
有所植立朝奉郎主管台州崇道觀錢文子器識弘毅
不以科目自居頃繇懷僚改秩宰邑醴陵不卑其官刻
意民事撫摩良善鋤治姦惡盜賊爲之屏息豪猾畏其
風采治民馭軍寬猛得宜偶嘗處事少差未免矯枉之
失如朝廷滿秩處以繁劇州郡或經理財賦必能彈壓
幹旋不至乏事承議郎前通判慶元軍府黃宜世事精
練吏道敏強嘗爲劇縣財計不擾而辦獄訟咸得其平
吏畏民愛前後少見其比嘉泰二年有旨令宰執論薦
過郡守臣謂宜才學優長邑牧有聲足以充選緣其資
格未及且俾實歷通判得倅四明郡政多所裨補海道

續文獻通考卷之五十一

二十五

四朝

利便講之尤熟兼曾在淮郡守官諳悉事體議論可聽
倘蒙朝廷照已降指揮擢用或別有繁難職任其才蓋
所優爲臣竊惟朝廷興舉事功方錄才使過之時此三
人者皆有可用之實不宜真之閒地今或嘗因瘠黜見
處祠祿或任滿替罷未有差遣是敢冒昧上陳明詔如
後不如所舉臣其坐謬舉之罪 衛涇又奏舉蕭運等
六人其狀曰臣蒙恩分闕自揆固功惟念薦賢可以報
上今有當官可紀居鄉有譽察識已熟詎敢壅蔽弗以
名聞臣伏見朝請大夫充荆湖南路安撫司參議官蕭
運才識優長政事勤恪克守家學蔚有名聞前宰臣侍
從皆舉充著述之選嘗以倅得郡而有恬退之心兩爲